

# INUIT ATAQATIGIIT INATSISARTUNI



13. juli 2022

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara.

## **Naalackersuisunut apeqquq:**

- 1. Savaatillit savaatiminnut nunaminertaq neriniartitsivittut atortagaat qanoq annertugisoq aatsitassarsiorniarluni misissuiffissatut tunniunneqarsimasoq qanoq annertutigiva?**
  - a. Sumilu tamanna inissisimava?**
  - b. Savanut neriniartitsivik aatsitassarsiorfissatullu misissuiffiginiagaq imminnut qaleriippat?**
  
- 2. Nunaminertap aatsitassarsiorfiginiarlugu misissuiffissatut qinnutigineqarmat tunniunneqannginnerani atuisut siulliit (savaatillit) qanoq tusarniaavigineqarsimappat?**
  - a. Tusarniaanermi akissutaasut qanoq oqariartuuteqarpat?**
  - b. Tusarniaanermi akissuteqaatit nunaqavissunit atuisunit akissutit tusaaniarneqarsimappat?**
  
- 3. Neriniartitsivik pineqartoq qaqugu misissuiffigineqarluni aallartissava?**
  - a. Suna pillugu savaatillit neriniartitsiviat aatsitassarsiornianut misissuiffigineqarnissaa tunniunneqarsimava?**
  - b. Savat neriniarneri akornuserneqartussaani eqqarsaatigalugit Naalackersuisut qanoq iliuuseqarniarpat?**
  
- 4. Siunissami savaatillit neriniartitsivittut atugaat aatsitassarsiornianut tunniunneqartannginnissaat qanoq iliuuseqarfiginiarneqarpa?**
  - a. Taamaappat qanoq iliortoqarniarpa?**

# INUIT ATAQATIGIIT INATSISARTUNI



**b. Taamaangippat suna pillugu inuussutissarsiummut akornusiisumik iliuuseqartoqartuassava?**

- 5. Nunaminertat aatsitassarsiorniarluni misissuiffissatut qinnuteqaateqaatigineqarsimasut Savaatillit neriniartitsiviinniittut arlaqarsimappata Naalakkersuisut sorlernik salliutitsiniarpat?**
- a. Savaatillit atuinerat salliutinniarnearpat?**
  - b. Taamaasimappat qanoq ililluni salliutinneqassappat?**
  - c. Nunaminertat aatsitassarsiorfiginiarlugit misissorniakkat akuersissutigineqarsimasut utertinneqarsinnaappat?**

(Inatsisartunut Ilaasortaq Mariane Paviasen, Inuit Ataqatigiit)

## **Tunngavilersuut:**

Nunaminertarmik savaatillit neriniartitsiviattut atorineqartumik, aatsitassarsiorniartumit misissuiffigissallugu qinnuteqaateqartoqarsimasoq, nunaminertarlu aatsitassarsiorniartunut misissuiffissatut tunniunneqarsimasoq tusarsaavoq. Taamaaliortoqarsimanera paasiuminaappoq, aammalu qaleriissunik nunaminertaq inuussutissarsiuteqareersunut Savaatilinnut akornusiinnginnissaa qanoq iliornikkut pinngitsoortinneqarsinnaaneranut Naalakkersuisut qanoq pilersaaruteqarnersut paaserusunnarluni, nunaminertammi savaatilinnit atorineqartut aatsitassarsiorfittut misissuiffigiinnarneri akornuseereertussaapput. Taamaammat paaserusunnarpoq inuussutissarsiutit sorliit Naalakkersuisunit pingaernerutinneqarnersut taamaammallu aamma paaserusunnarluni imminnut akornutiginerat qanoq iliuuseqarfigineqarusunnersut.